

左  
氏  
條  
貫

傳春秋者五家鄒夾已散佚不可考今存者獨左氏與公穀三家耳自漢以後持論各安所尚如漢武好公羊衛太子重穀梁宣帝開石渠而穀梁氏興哀帝令劉歆辨難迄建武始為左氏置博士賈逵鄭衆作左氏長義詆公穀何休又作公羊墨守左氏膏肓穀梁廢疾鄭康成復為發墨守鍼膏肓起廢疾而董仲舒則專信穀梁時又有左氏大官公羊賣餅之說蓋學左每詘公穀學公穀徃徃詘左勢固然也要而論之惟啖趙氏合三家所長務以通經為主庶幾知所輕重蓋左氏親見聖人

而公穀又皆子夏之高弟其立說自各有據依後人未  
可以臆見輕為軒輊固無俟馬融馮伉著三傳異同劉  
兆為三傳調人也第左氏原本以事繫日後先懸隔檢  
括殊苦其煩因仿國語之例分國類叙聯絡首尾而仍  
不失編年之舊以便披覽其公穀之辭義可乎者亦因  
事附見焉

康熙壬辰中秋日玉坡曹基書

兼輩侍先生久凡風簷雨館雪案螢窓以及花之晨月  
之夕竊見先生手一編呶唔不輟時復會心若將揖古  
人於千載之上晤語一堂者以故矻矻孜孜几席間丹  
黃校讐幾無寧晷迄於今年已七十餘矣而耄而好學  
如此即徐廣之歲讀五經一遍不是過也先生雅負氣  
節自待甚高見人之媿媿齷齷者避之若浼故於世多  
怪少可飄然自遠於勢利之場君平棄世世棄君平有  
自來矣其為文也原本經史而折其衷獨出風裁自成  
一格不屑拾人牙慧雖著述等身重自矜惜不欲示人

茲左氏條貫一書兼革以為便於課誦也力請付諸剞劂以公同好因發篋衍再加參訂得一十八卷仍為志其緣起云

受業門人張

兼百拜識

備考

周姬姓黃帝苗裔后稷始封於邠及夏衰后稷之子不  
窋失官竄於西戎至太王為狄所逼去豳居岐文武  
都豐鎬平王東遷洛陽為東周

魯姬姓侯爵文王第四子旦有大勲勞號宰周公留相  
天子主陝以東成王封其長子伯禽於曲阜至隱公  
元年為平王之四十九年而春秋始作

鄭姬姓伯爵周厲王少子友始封於鄭在滎陽宛陵西  
南密邇王畿幽王之難友寄帑於虢鄭之間因取二

國地前華後河而食漆洧在濟西洛東河南潁北四水間謂之新鄭

衛姬姓侯爵武王少弟封食采於康謂之康叔成王誅武庚中分其地以其半立康叔為衛侯

齊姜姓侯爵炎帝裔孫伯益為四岳佐禹治水賜姓曰姜氏曰呂謂之呂侯至呂望佐武王定天下封營丘為齊侯

宋子姓公爵商王帝乙之長庶子啓食采於微謂之微子後成王誅武庚中分其地封微子為宋公以奉湯

祀禮樂車服悉仍商舊

秦嬴姓伯爵顓頊之裔大費佐禹平治水土佐舜調馴  
鳥獸賜姓嬴是為栢翳殷有蜚廉周有造父至十九  
世非子為周孝王主馬汧渭間孝王分為附庸而邑  
諸秦傳六世至襄公將兵救周送平王東遷有功封  
為諸侯

晉姬姓侯爵武王少子叔虞成王母弟也初邑姜方娠  
有吉夢及生子有文在其手曰虞成王滅唐封之而  
都於翼平陽絳邑縣東翼城是也傳十一世至昭侯



封文侯之弟成師於曲沃晉始亂分為二以翼與曲沃別之

楚芊姓子爵顛頊孫重黎為高辛氏火正命曰祝融其苗裔鬻熊為文王師而曾孫熊繹封荆蠻八世至熊渠立其長子康為句亶王中子紅為鄂王少子執疵為越章王又八世至熊儀為若敖又二世至熊胸為玆冒又一世熊通為楚武王

吳姬姓子爵周太王長子太伯逃荆蠻號曰句吳端委以治周禮五世至周章而武王因封之吳又十四世

至壽夢而吳始益大稱王

越其先禹之苗裔少康之庶子也封於會稽以奉禹祀  
後二十餘世至允常始見於春秋允常卒子勾踐立  
是為越王

曹姬姓伯爵文王子振鐸始受封今濟陰定陶縣是也  
蔡姬姓侯爵文王子叔度封於蔡監殷殷畔囚於郭鄰  
子蔡仲率德改行成王復封之

虞姬姓公爵武王克商求太伯仲雍之後得周章已為  
吳君別封其弟虞仲於周之北故夏墟為諸侯

虢姬姓公爵王季子虢仲文王弟也仲與虢叔為王卿士文王友愛二弟謂之二虢武王克商封仲於虢滅紀姜姓侯爵

邾曹姓子爵陸終之後武王封其苗裔曹挾於邾為附庸今魯國鄒縣是也挾之後夷父顏有功於周封其子友於邾為附庸春秋時邾黎來始朝魯其地在東海昌慮縣東北邾城是也稱小邾

陳媯姓侯爵舜之後封於有虞虞幕裔孫闕父為周陶正王賴之以元女大姬下嫁其子滿而封諸陳使奉

虞祀滿謚胡公

許姜姓男爵堯四岳伯夷之後周封其苗裔文叔於許  
以續太岳之嗣

例言

孔子作春秋示褒貶故堯夫謂即夫子之刑書而實非也左氏身為史官受業孔子因春秋作傳而獨於言禮處最詳最慎蓋深得夫子立教本旨則謂左傳為左氏之禮書也亦可

觀韓宣子聘魯見易象春秋嘆曰周禮盡在魯矣早已窺見此意

安上治民莫善於禮固矣其次則兵之所係為綦重左氏於列國兵爭極為留意寫來倍覺精神讀者便

須得其勝負存亡之所以然勿徒作壁上觀可也  
古者掌卜占夢各立專官故吉凶禍福歷歷信而有  
徵後世失其職并失其傳惜哉

怪力亂神聖人所不語左氏每娓娓及之非悖聖教  
也世衰道微邪惡並起借以示鑒戒云爾

左氏雖曰浮夸然長於叙事用字用句極簡嚴亦極  
婉麗其轉關挾枕處又極警策只用一二語務掉便  
有兔起鶻落之勢長篇短章或斷或續血脉融貫得  
草蛇灰線之法是誠三史之鼻祖而諸子百家之星

宿海也

列國諸事雜見於十二公之編年前後錯綜繙閱殊難茲為取裁國語之例先標每國於首凡事之係於其國者悉為編入使一國之始末開卷了然而其事之介乎兩國者此收則彼刪可以參考而得

當時一百二十四國其見於春秋者亦寥寥矣蓋弱小之邦多見并於強大故事亦僅見今即其事之相屬者隨所屬之國附載其絕不相蒙者另列於後

左傳為舉業先資而讀本每失之太略因為手輯是

編極知割裂成書見識於大雅君子然以脩家塾之誦習則庶幾或有取焉玉坡老人基自識

編是書甫竟見前明孫匡儀名範有左傳分國紀事本末一書是能先得我心者但嫌其提頭處太多甚至另為標目不叙於編年之下者終夫聯絡本意則余是編之作尤覺完善云玉坡又書



纂要

周十二王

春秋歷十有四王悼王立未踰年敬王崩在春秋後故止曰十二王

平王

四十九年入春秋

桓王

莊王

僖王

惠王

襄

王

頃王

匡王

定王

簡王

靈王

景王

敬王

魯十二公

隱公

伯禽受封傳二十三世至隱公名息姑魯惠公子

桓公

名執惠公子隱公弟

莊公

名同桓公子

閔公

名啓方莊公子

僖公

名申莊公子閔公兄

文

公

名與僖公子

宣公

名倭一名接文公子

成公

名黑肱宣公子

襄公

名午成

公子

昭公

名稠襄  
公子

定公

名宋襄公  
子昭公弟

哀公

名蔣

定公

子

魯三桓

僖元年公子友敗莒於鄆

公賜季友汶陽之田及費而季孫氏始

四年

公孫茲侵陳

叔孫氏始

十五年公孫敖救徐

孟孫氏始亦曰仲孫

晉八鄉

智瑩

士匄

荀偃

韓起

欒黶

士魴

魏絳

趙武

又趙衰

成子

范士會

武子

智荀首

莊子

荀林父

桓子

魏絳

莊子

韓厥

獻子

為六鄉

又魏斯

韓虔

趙籍

為三鄉

鄭七穆 皆穆公子

子展公孫舍之為罕氏子西公孫夏為駟氏子產公  
孫僑為國氏伯有良霄為良氏子太叔游吉為游氏  
子石公孫段為豐氏伯石印段為印氏

又叔詹堵叔  
師叔為三良

春秋五始

元者氣之始春者四時之始王者受命之始正月者  
政教之始即位者一國之始

齊桓衣裳之會九

莊十三年春會於北杏以平宋亂

宋萬  
弒君

十四年冬會

於鄆宋服故也十五年春復會於鄆齊始霸十六年  
冬同盟於幽鄭成也二十七年夏同盟于幽陳鄭服  
也僖元年入於榿五年會於首止會王太子鄭謀寧  
周也七年盟於寧母謀鄭故也九年夏盟於葵丘尋  
盟且修好禮也又於貫於陽穀共會十有一又於洮  
於鹹於牡丘於淮為兵車之會四

晉悼五會

雞澤 於戚 救陳 於鄆 邢丘

晉悼三駕



左氏條貫總目

卷一

周

卷二

魯起隱公至成公止

卷三

魯起襄公至昭公止

卷四

魯起定公至哀公止

卷五

鄭起鄭莊公至簡公上

卷六

鄭鄭簡公下至定公止

卷七

衛

卷八

齊

卷九

宋

卷十

秦

卷十一

晉起晉獻公至襄公止

卷十二

晉起晉靈公至景公止

卷十三

晉起晉厲公至悼公止



卷十四

晉平公

卷十五

楚起武王至靈王上

卷十六

楚靈王下至惠王止

卷十七

吳越

卷十八

曹蔡虞虢紀邾陳梁許  
潞

總目終

左氏條貫

總目

三

左氏條貫卷一

長洲曹 基德培編次

門人張

兼念凌  
典懷鞠 叅訂

周

周平王

隱公 三年鄭武公莊公爲平王卿士王貳于虢鄭伯怨王王

曰無之故周鄭交質王子狐爲質于鄭鄭公子忽爲質

于周王崩周人桓將畀虢公政四月鄭祭足帥師取温

之麥秋又取成周之禾周鄭交惡君子曰信不由中質

無益也明恕而行要之以禮雖無有質誰能間之苟有

明信澗谿沼沚之毛蘋蘩蕪藻之菜筐筥錡釜之器潢

周桓王

汙行潦之水可薦于鬼神。可羞于王公。而況君子結二國之信。行之以禮。又焉用質。風有采蘋。采蘋雅有行葦。洞酌昭忠信也。

隱公六年

鄭伯如周。始朝桓王也。王不禮。

焉。周桓公言于王曰。我周之東遷。晉鄭焉依。善鄭以勸來者。猶懼不饒也。況不禮焉。鄭不來矣。

至也

桓公五年

王奪鄭

伯政。鄭伯不朝。秋。王以諸侯伐鄭。鄭伯禦之。王爲中軍。虢公林父將右軍。蔡人衛人屬焉。周公黑肩將左軍。陳人屬焉。鄭子元請爲左拒。以當蔡人。衛人爲右拒。以當陳人。曰。陳亂。民莫有鬪心。若先犯之。必奔。主卒顧之。

必亂蔡衛不枝固將先奔既而萃于王卒可以集事從之曼伯爲右拒祭仲足爲左拒原繁高渠彌以中軍奉公爲魚麗之陳先偏後伍伍承彌縫司馬法車戰二十五乘爲偏以車居前以伍次之承偏之隙而彌縫戰于繻葛命二拒曰旂缺漏此魚麗陣法五人爲伍動而鼓蔡衛陳皆犇王卒亂鄭師合而攻之王卒大敗祝聃射王中肩王亦能軍祝聃請從之公曰君子不欲多上人況敢陵天子乎苟自救也社稷無隕多矣夜鄭伯使祭足勞王且問左右桓公十八年周公欲弑莊王而立王子克莊王弟子儀辛伯告王遂與王殺周公黑肩王子

克奔燕初子儀有寵于桓王桓王屬諸周公辛伯諫曰  
並后匹嫡兩政耦國亂之本也周公弗從故及

莊公十八

年春虢公晉侯朝王王饗禮命之宥

助也助以幣物

皆賜玉五

穀馬三匹非禮也王命諸侯名位不同禮亦異數不以

禮假人

莊公十九年

初王姚

莊王姜

嬖于莊王生子頹子頹

有寵薦國爲之師及惠王卽位取薦國之圃以爲囿邊

伯之宮近于王宮王取之王奪子禽視跪與詹父田而

收膳夫

石速

之秩故薦國邊伯石速詹父子禽視跪作亂

因蘇氏秋五大夫奉子頹以伐王不克出奔溫蘇子奉

子頹以奔衛衛師燕師伐周冬立子頹

莊公二十一年春鄭

伯和王室不克執燕仲父夏鄭伯遂以王歸王處于櫟  
秋王及鄭伯入于鄆遂入成周取其寶器而還冬王子  
頹享五大夫樂及徧舞鄭伯聞之見虢叔曰寡人聞之  
哀樂失時殃咎必至今王子頹歌舞不倦樂禍也夫司  
寇行僂君爲之不舉而況敢樂禍乎奸王之位禍孰大  
焉臨禍忘憂憂必及之盍納王乎虢公曰寡人之願也

莊公二十一年

春胥命于弭

鄭地

夏同伐王城鄭伯將王自圉

門入虢叔自北門入殺王子頹及五大夫鄭伯享王子

關西辟

偏也

樂備王與之武公之略自虎牢以東原伯曰

鄭伯效尤其亦將有咎五月鄭厲公卒王巡虢守虢公

為王宮于珙王與之酒泉鄭伯之享王也王以后之盤

鑑予之虢公請器王予之爵鄭伯由是始惡于王冬王

歸自虢

莊公三十三年

秋七月有神降于莘

地

惠王問諸內

史過曰是何故也對曰國之將興明神降之監其德也

將亡神又降之觀其惡也故有得神以興亦有以亡虞

夏商周皆有之王曰若之何對曰以其物享焉其至之

日亦其物也

若以甲乙日至祭先脾玉用蒼服上青之類

王從之內史過往



聞虢請命

求土田

反曰虢必亡矣。虐而聽于神，神居莘六

月，虢公使祝應宗區史闕享焉。神賜之土，田史闕曰：「虢其亡乎？吾聞之國將興，聽于民；將亡，聽于神。神聰明正直而壹者也，依人而行。虢多涼德，其何土之能得？」

僖公七年閏月，惠王崩，襄王惡犬叔帶襄王弟之難懼，不立，不發

喪而告難于齊。

僖公十一年

天王使召武公內史過賜晉

侯命，受玉。情過歸告王曰：「晉侯其無後乎？」王賜之命。

而情于受瑞，先自棄也。已其何繼之有？禮國之幹也，敬禮之與也不敬，則禮不行，禮不行則上下昏，何以長世。

夏楊拒泉臯伊維之戎同伐京師入王城焚東門王

子帶召之也秦晉伐戎以救周秋晉侯惠平戎于王

僖公十三年

齊侯使仲孫湫聘于周且言王子帶前年帶奔齊事

畢不與王言不言子帶事歸復命曰未可王怒未怠其十年

乎不十年王弗召也僖公二十二年初平王之東遷也辛有

適伊川見被髮而祭于野者曰不及百年此其戎乎其

禮先亡矣秋秦晉遷陸渾之戎于伊川富辰言于王

曰請召犬叔詩曰協比其鄰昏姻孔云吾兄弟之不協

焉能怨諸侯之不睦王說王子帶自齊復歸于京師王

召之也。

僖公二十四年

鄭之入滑也。滑人聽命。師還。又卽衛。

鄭公子士洩堵俞彌帥師伐滑。王使伯服游孫伯如鄭請滑。鄭伯怨惠王之入而不與。厲公將也。又怨襄王之與衛滑也。故不聽王命而逐二子。王怒。將以狄伐鄭。富辰諫曰：不可。臣聞之。犬上以德撫民。其次親親。以相及也。昔周公弔二叔。夏商二代之叔世之不咸。同故封建親戚以蕃屏周。管蔡。郕霍。魯衛。毛聃。邶雍。曹滕。畢原。鄭郟。文之昭也。邢音。應韓。武之穆也。凡蔣。邢茅。胙祭。周公之胤也。召穆公思周德之不類。故糾合宗族于成周。而作詩曰。

常棣之華。鄂不韡韡。凡今之人。莫如兄弟。其四章曰。兄弟鬩于牆。外禦其侮。如是則兄弟雖有小忿。不廢懿親。今天子不忍小忿。以棄鄭親。其若之何。庸勳親親。瞻近尊賢。德之大者也。卽聾從昧。與頑用鬻。茲之大者也。棄德崇姦。禍之大者也。鄭有平惠之勳。平王東遷。晉鄭是依。惠王奔號。鄭納之。又有厲宣之親。鄭桓公為厲王之弟。棄嬖寵。申侯子華。而用三良。叔詹堵叔師。叔于諸姬為近。四德具矣。耳不聽五聲之和。為聾。目不別五色之章。為昧。心不則德義之經。為頑。口不道忠信之言。為鬻。狄皆則之。四姦具矣。周之有懿德。

也○猶○曰○莫○如○兄○弟○故○封○建○之○其○懷○柔○天○下○也○猶○懼○有○外○  
侮○杆○禦○侮○者○莫○如○親○親○故○以○親○屏○周○召○穆○公○亦○云○今○周○  
德○既○衰○于○是○乎○又○淪○周○召○以○從○諸○姦○無○乃○不○可○乎○民○未○  
忘○禍○王○又○興○之○其○若○文○武○何○王○弗○聽○使○顏○叔○桃○子○出○狄○  
師○夏○狄○伐○鄭○取○櫟○王○德○狄○人○將○以○其○女○爲○后○富○辰○諫○曰○  
不○可○臣○聞○之○曰○報○者○倦○矣○施○者○未○厭○狄○固○貪○恠○王○又○啓○  
之○女○德○無○極○婦○怨○無○終○狄○必○爲○患○王○又○弗○聽○初○甘○昭○公○  
帶○王○子○有○寵○于○惠○后○惠○后○將○立○之○未○及○而○卒○昭○公○奔○齊○王○  
復○之○又○通○于○隗○氏○即狄后王替隗氏顏叔桃子曰我寔使

狄狄其怨我遂奉犬叔以狄師攻王王御士將禦之王  
曰先后其謂我何寧使諸侯圖之王遂出及坎欲國人  
納之秋頽叔桃子奉犬叔以狄師伐周大敗周師獲周  
公忌父原伯毛伯富辰王出適鄭處于汜犬叔以隗氏  
居于溫冬王使來告難曰不穀不德得罪于母弟之  
寵子帶鄙在鄭地汜敢告叔父臧文仲對曰天子蒙塵  
于外敢不奔問官守王使簡師父告于晉使左鄆父告  
于秦天子無出書曰天王出居于鄭辟母弟之難也天  
子凶服降名禮也鄭伯與孔將鉏石甲父侯宣多省視

官具于汜而後聽其私政禮也。

傳公二十五年

秦伯師于河

上將納王。狐偃言于晉侯曰：「求諸侯莫如勤王。」諸侯信之。且大義也。繼文之業而信宣于諸侯，今爲可矣。使卜偃卜之，曰：「吉。」遇黃帝戰于阪泉之兆。公曰：「吾不堪也。」對曰：「周禮未改，今之王，古之帝也。」公曰：「筮之筮之遇大有之睽，曰吉。」遇公用享于天子之卦，戰克而王享，吉孰大焉。且是卦也，天爲澤以當日，天子降心以逆公，不亦可乎。大有去睽而復，亦其所也。晉侯辭秦師而下。三月甲辰，次于陽樊。右師圍溫，左師逆王。夏四月丁巳，王入

于王城取犬叔于温殺之于隰城戊午晉侯朝王王饗  
醴命之宥請隧弗許曰主章也未有代德而有二王亦  
叔父之所惡也與之陽樊温原攢茅之田晉于是始啓  
南陽陽樊不服圍之倉葛呼曰德以柔中國刑以威四  
夷宜吾不敢服也此誰非王之親姻其俘之也乃出其  
民冬晉侯圍原命三日之糧原不降命去之謀出曰原  
將降矣軍吏曰請待之公曰信國之寶也民之所庇也  
得原失信何以庇之所亡滋多退一舍而原降

僖公三十

年冬王使周公問來聘饗有昌歜

昌蒲白熬黍熬形鹽



周定王

成公元年王  
師敗績于負

形象。辭曰：國君文足昭也，武可畏也，則有備物之享以  
象其德，薦五味，羞嘉穀，鹽虎形，以獻其功。吾何以堪之。

宣公十

六年 爲毛召之難故

王孫蘇與召氏毛氏爭政使  
王子捷殺召戴公毛伯衡

冬，晉侯使士會平王室，定王享之。原襄公相禮，殺烝，殺

于武子，私問其故。

享當體薦而  
殺烝故問之

王聞之，召武子曰：季氏

而弗聞乎？王享有體薦。

牛解其體而  
薦之示儉

宴有折俎。

體解節  
折以升

俎使可  
食示惠

公當享，卿當宴，王室之禮也。武子歸而講求典

禮以修晉國之法。

穀梁子曰：不言戰，莫之敢敵也；爲尊者諱，敵不諱敗。

爲親者諱敗不諱敵尊尊親親之義也然則孰敗之

晉也

成公二年晉侯使鞏朔獻齊捷于周王弗見使單襄公辭焉

曰蠻夷戎狄不式王命淫涵毀常王命伐之則有獻捷

王親受而勞之所以懲不敬勸有功也兄弟甥舅侵敗

王略敗王之法渡王命伐之告事而已不獻其功所以敬親

瞻禁淫慝也今叔父克遂有功于齊而不使命卿鎮撫

王室所使來撫余一人而鞏伯實來未有職司于王室

又奸先王之禮余雖欲于鞏伯其敢廢舊典以忝叔父

夫齊甥舅之國也。而犬師之後也。寧不亦淫從其欲以怒叔父。抑豈不可諫誨。士莊伯葉不能對。王使委于三

吏。

天子之吏。

禮之如侯伯克敵。使大夫告慶之。禮降于卿。禮

一等。王以鞏伯宴而私賄之。使相

相禮者。

告之曰。非禮也。

勿籍。

勿以爲典。

成公十三年。

三月。公如京師。宣伯

僞

如欲賜。請先

使王以行人之禮禮焉。孟獻子從。王以爲介而重賄之。

公及諸侯朝王。遂從。劉康公成。肅公會晉侯。伐秦。成子

受賑于社。

賑宜社之肉。出。兵祭社曰宜。

不敬。劉子曰。吾聞之。民受天

地之中。以生。所謂命也。是以有動作禮義威儀之則。以

定命也能者養之以福不能者敗以取禍是故君子勤禮小人盡力勤禮莫如致敬盡力莫如敦篤敬在養神篤在守業國之大事在祀與戎祀有執膳戎有受脰神之節也今成子惰棄其命矣其不反乎

襄公十年王叔

陳生與伯輿爭政王右也伯輿王叔陳生怒而出奔及

河王復之殺史媵以說焉不入遂處之

處叔河上

晉侯使士

匄平王室王叔與伯輿訟焉王叔之宰與伯輿之大夫瑕禽坐獄于王庭士匄聽之王叔之宰曰筭門閨竇之人而皆陵其上其難爲上矣瑕禽曰昔平王東遷吾七

姓從王。牲用備具。王賴之。而賜之駢旄。赤之盟。曰：世世

無失職。若筮門闔。實其能來東底乎。且王何賴焉。今自

王叔之相也。政以賄成。而刑放于寵官之師。旅不勝其

富。吾能無筮門闔。實乎。唯大國圖之下。而無直。則何謂

正矣。范宣子曰：天子所右。寡君亦右之。所左。亦左之。使

王叔氏與伯與合要。合天子左右之詞王叔氏不能舉其契。王

叔奔晉。不書。不告也。單靖公爲卿士。以相王室。襄公三十

年。初。王儋季卒。靈王弟其子括將見王。而歎。單公子愆期。

爲靈王御士。過諸廷。聞其歎。而言曰：烏乎。必有此夫。入

以告王且曰必殺之不感而願大視躁而足高心在他

矣不殺必害王曰童子指愆何知及靈王崩僖括欲立

王子佞夫靈王子佞夫不知戊子僖括圍蒍逐成愆蒍

大成愆奔平時五月癸巳尹言多劉毅軍蕺甘過鞏成

皆周大夫殺佞夫括瑕廖奔晉書曰天王殺其弟佞夫罪在

王也昭公元年天王使劉定公勞趙孟于潁館于淮汭劉

子曰美哉禹功明德遠矣微禹吾其魚乎吾與子弁冕

端委以治民臨諸侯禹之力也子盍亦遠績禹功而大

庇民乎對曰老夫罪戾是懼焉能恤遠吾儕偷食朝不

謀○夕○何○其○長○也○劉○子○歸○以○語○王○曰○諺○所○謂○老○將○知○而○耄○及○之○者○其○趙○孟○之○謂○乎○爲○晉○正○卿○以○主○諸○侯○而○儕○于○隸○人○朝○不○謀○夕○棄○神○人○矣○神○怒○民○叛○何○以○能○久○趙○孟○不○復○年○矣○神○怒○不○歆○其○祀○民○叛○不○卽○其○事○祀○事○不○從○又○何○以○年○

昭公九年

周甘人與晉閻嘉爭閻出晉梁丙張趯率陰

戎伐潁王使詹桓伯辭于晉曰我自夏以后稷魏駘芮岐畢吾西土也及武王克商蒲姑商奄吾東土也巴濮楚鄧吾南土也肅慎燕亳吾北土也吾何邇封之有文武成康之建母弟以蕃屏周亦其廢隊是爲豈如弁髦

而因以蔽之。先王居櫛杙于四裔，以禦螭魅。故允姓陰戎

之姦，居于瓜州。伯父惠公歸自秦，而誘以來。遷陸渾之戎于

伊。使偪我諸姬，入我郊甸，則戎焉取之。戎有中國，誰之

咎也。后稷封殖天下，今戎制之，不亦難乎。伯父圖之。我

在伯父，猶衣服之有冠冕，木水之有本原，民人之有謀

主也。伯父若裂冠毀冕，拔本塞原，專奔謀主，雖戎狄其

何有余。一人叔向謂宣子曰：文之伯也，豈能改物。改正

服。翼戴天子而加之以共自文以來，世有衰德而暴滅

宗周，以宣示其侈，諸侯之貳，不亦宜乎。且王辭直，子其



圖之宣子說王有姻喪使趙成如周弔且致問田與糴

反穎俘王亦使賔滑執甘大夫襄以說于晉晉人禮而

歸之

昭公十五年

十二月晉荀躒

文伯

如周葬穆后籍談爲

介既葬除喪以文伯宴樽以魯壺王曰伯氏諸侯皆有

以鎮撫

貢獻之物

王室晉獨無有何也文伯揖籍談對曰諸

侯之封也皆受明器于王室以鎮撫其社稷故能薦彝

器于王晉居深山戎狄之與鄰而遠于王室王靈不及

拜戎不暇其何以獻器王曰叔氏

談字

而忘諸乎叔父唐

叔成王之母弟也其反無分乎密須之鼓與其大路文

所以大蒐也。闕鞏之甲武所以克商也。唐叔受之以處

參虛。匡有戎狄。其後襄襲王之二路。大路。鉞鉞。鉅。鬯。彤弓。

虎賁。文公受之以有南陽之田。撫征東夏。非分而何。夫

有勲而不廢。有績而載。奉之以土田。撫之以彝器。旌之

以車服。明之以文章。旌。子孫不忘。所謂福也。福祚之不

登叔父焉。在且昔而高祖孫伯厭。籍談九世祖。司晉之典籍

以爲大政。故曰籍氏。及辛有之二子董之晉。于是乎有

董史。女尚典之後也。何故忘之。籍談不能對。賓出。王曰

籍父其無後乎。數典而忘其祖。籍談歸以告叔向。叔向

曰王其不終乎。吾聞之所樂必卒焉。今王樂憂若卒以憂不可謂終。王一歲而有三年之喪。穆后及太子壽二焉。于是

乎以喪賓宴。又求彝器。樂憂甚矣。且非禮也。彝器之來

嘉功之由。非由喪也。三年之喪。雖貴遂服禮也。王雖弗

遂。宴樂以早。亦非禮也。禮王之大經也。一動而失二禮。

無大經矣。言以考典。典以志經。忘經而多言舉典。將焉

用之。

昭公二十一年

春。天王將鑄無射。

鐘名。律中無射。

泠州鳩曰。王

其以心疾死乎。夫樂。天子之職也。夫音樂之興也。而鐘音之器也。天子省風以作樂器。以鐘之與以行之小者。

不窺大者不櫛則和于物。物和則嘉成。故和聲入于耳。而藏于心。心億也。則樂窺則不咸。櫛則不容。心是以感。

感寔生疾。今鐘櫛矣。王心弗堪。其能久乎。

昭公二十二年王

子朝

景王之長庶

賓起

子朝傳

有寵于景王。王與賓孟

即說之起

欲立之。劉獻公

劉摯

之庶子伯蚘事。單穆公惡賓孟之爲

人也。願殺之。又惡王子朝之言。

有欲位之言

以爲亂。願去之。

賓孟適郊。見雄雞。自斷其尾。問之侍者曰。自憚其犧也。

遽歸告王。且曰。雞其憚爲人用乎。人異于是。犧者實用。

人人犧實。難已。犧何害。王弗應。夏四月。王田北山。使公

卿皆從將殺單子劉子王有心疾乙丑崩于榮錡氏戊

辰劉子摯卒無子單子立劉蚝五月庚辰見王見王猛遂

攻賔起殺之以黨子朝故盟羣王子于單氏王子朝因舊

宮百工之喪職秩者與靈景之族以作亂帥郊要餞三邑

名之甲以逐劉子伯壬戌劉子奔揚單子旗逆悼王子

于莊宮以歸王子還子朝夜取王以如莊宮癸亥單子

出失王故王子還與召莊公召伯與謀曰不殺單旗不

捷與之重盟必來背盟而克者多矣從之樊頃子單劉

曰非言也必不克遂奉王以追單子王子還及領大盟

左氏傳卷一周

而復殺摯荒以說劉子如劉單子亡乙丑奔于平陸

王如

子還欲背

羣王子追之

黨于子朝

單子殺還姑發弱醜

盟故亡

延定稠

八子靈景族

子朝奔京丙寅伐之

單子京人奔

山劉子入于王城

子朝奔京

辛未鞏簡公

周卿敗績于

京乙亥甘平公

亦周卿士

亦敗焉

皆為子朝所敗叔鞅至自京師言

王室之亂也閔馬父曰子朝必不克其所與者天所廢

也

謂羣喪職秩者

單子欲告急于晉秋七月戊寅以王如平時

遂如圃車次于皇劉子如劉單子使王子處

王城

距子朝

盟百工于平宮辛卯鄒盼

子朝伐皇大敗獲

王城

距子朝

盟百工于平宮辛卯鄒盼

子朝伐皇大敗獲

王城

距子朝

盟百工于平宮辛卯鄒盼

子朝伐皇大敗獲

鄆勝壬辰焚諸王城之市

焚鄆勝

八月辛酉司徒醜以王

師敗績于前城

子朝所恃邑

百工叛己巳伐單氏之宮敗焉

百工伐單氏為單氏所敗

庚午反伐之

單氏反伐百工

辛未伐東園冬十月

丁巳晉籍談荀躒帥九州之戎及焦瑕溫原之師以納

王于王城庚申單子劉盩以王師敗績于郊

為子朝之黨所敗

前城人敗陸渾

即九州戎

于社十一月乙酉王子猛卒

諡悼王

不成喪也乙丑敬王即位

王子猛母弟句也

館于子旅氏十二

月庚戌晉籍談荀躒賈辛司馬督帥師軍于陰于侯氏

于谿泉次于社王師軍于汜于解次于任人閏月晉箕

遺樂徵右行詭濟師取前城軍其東南王師軍于京楚

辛丑伐京毀其西南京子朝所在。景王之太子早夭諸子皆欲立劉子單子附王子猛

者也尹氏召伯毛伯附子朝者也王愛朝欲立之昭未及而崩諸大夫爭立君互相攻伐數年始定公

二十三年八月丁酉南宮極子朝震屋歷長弘謂劉文公曰

君其勉之先君之力可濟也周之亡也其三川震今西

王之大臣亦震天棄之矣東王必大克敬王居狄泉在王城東故曰東

王王子朝入于昭公二十四年鄭伯如晉子犬叔相見范獻

子獻子曰若王室何對曰老夫其國家不能恤敢及王

室抑人亦有言曰愁不恤其緯而憂宗周之隕爲將及



焉。至寶蠢蠢焉。吾小國懼矣。然大國之憂也。吾儕何知焉。吾子其早圖之。詩曰：餅之罄矣，惟嚚之恥。王室之不寧，晉之恥也。獻子懼而與宣子圖之，乃徵會于諸侯。期以明年冬十月，王子朝用成周之寶珪于河津，人得之河上，陰不佞以溫人南侵，拘得玉者，取其玉，將賣之，則爲石。王定而獻之，與之東嘗。

昭公二十六年冬王起師

于滑辛丑在郊，遂次于尸。十一月辛酉，晉師克鞏，召伯盈逐王子朝，王子朝及召氏之族毛伯得尹氏固南宮歸奉周之典籍以奔楚。陰忌

子朝黨

奔莒以叛，召伯逆王

于尸及劉子單子盟。遂軍圍澤。次于隄上。癸酉王入于

成周。甲戌盟于襄宮。晉師使成公般戍周而還。十二月

癸未王入于莊宮。

在王城

王子朝使告于諸侯曰。昔武

王克殷。成王靖四方。康王息民。並建母弟。以蕃屏周。亦

曰。吾無專享文武之功。且爲後人之迷。敗傾覆而溺入

于難。則振救之。至于夷王。王愆于厥身。諸侯莫不並走

其望。以祈王身。至于厲王。王心戾虐。萬民勿忍。居王于

彘。諸侯釋位以間王政。

周召二公共和行政

宣王有志而後效官。

至于幽王。天不弔周。王昏不若。用愆厥位。攜王

伯服奸命。

諸侯替之以建王。嗣用遷邲。鄢則是兄弟之能用力于  
王室也。至于惠王。天不靖周。生頽禍心。施于叔帶。惠襄  
辟難。越去王都。則有晉鄭咸熙。不端以綏定王家。則是  
兄弟之能率先王之命也。在定王六年。秦人降妖。曰。周  
其有頽王。亦克能修其職。諸侯服享。二世共職王室。其  
有間王位。諸侯不圖而受其亂。災至于靈王。生而有頽。  
王甚神聖。無惡于諸侯。靈王景王克終其世。今王室亂。  
單旗劉狄剝亂天下。壹行不若。謂先王何常之有。唯余  
心所命。其誰敢討之。帥羣不弔之人。以行亂于王室。侵

欲無厭規求無度。貫瀆鬼神。慢棄刑法。倍奸齊盟。傲狠威儀。矯誣先王。晉爲不道。是攝是贊。思肆其罔極。茲不殺震盪播越。竄在荆蠻。未有攸底。若我一二兄弟甥舅。獎順天法。無助狡猾。以從先王之命。毋速天罰。赦圖不殺。則所願也。敢盡布其腹心。及先王之經。而諸侯寔深圖之。昔先王之命曰。王后無適。則擇立長年。鈞以德。德鈞以卜。王不立愛。公卿無私。古之制也。穆后及太子壽。早夭。卽世。單劉贊私立少。以間先王。亦惟伯仲叔季圖之。閔馬父聞子朝之辭。曰。文辭以行禮也。子朝于景之。

命遠晉之大以專其志無禮甚矣文辭何爲

定公元年晉

魏舒合諸侯之大夫于狄泉將以城成周卒于甯孟

懿子會城成周庚寅我設宋仲幾不受功曰滕薛邠吾

役也薛宰曰宋爲無道絕我小國于周以我適楚故我

常從宋晉文公爲踐土之盟曰凡我同盟各復舊職若

從踐土若從宋亦唯命仲幾曰踐土固然薛宰曰薛之

皇祖奚仲居薛以爲夏車正奚仲遷于邳仲虺居薛以

爲湯左相若復舊職將承王官何故以役諸侯仲幾曰

三代各異物薛焉得有舊爲宋役亦其職也士彌牟曰

晉之從政者新子姑受功歸晉視諸故府仲幾曰縱子  
忘之山川鬼神其忘諸乎士伯怒謂韓簡子曰薛徵于  
人宋徵于鬼宋罪大矣且已無辭而抑我以神誣我也  
啓寵納侮其此之謂矣必以仲幾爲僂乃執仲幾以歸  
三月歸諸京師城三旬而畢乃歸諸侯之戍齊高張後  
不從諸侯晉女叔寬曰周萇弘齊高張皆將不免萇弘  
違天高子違人天之所壞不可支也衆之所爲不可好  
也

定公

五年春王人殺子朝于楚

哀公

三年劉氏

周卿

范氏

晉大

天世爲婚姻萇弘事劉文公故周與范氏

責周與

趙

鞅以爲討六月癸卯周人殺萇弘

左氏條貫卷一

男官賀校字